



Siège national
47 rue d Clichy
75311 Paris Cedex 09
Tél : 01 45 96 03 05

FANOMPOAM-PIVAVAHANA

Alakamisy Masina

Alakamisy 9 aprily 2020

Mpitarika : Pst Solohery Raobinarison

- Feon'orga

FIFAMPIARAHABANA - FIANTSOANA –

Mitsangana

Amin'ny anaran'Andriamanitra Ray sy Zanaka ary ny Fanahy Masina, amen!

Sal 39: 4 Jehovah ô, ampahafantaro ny farako aho sy izay ohatry ny androko; aoka ho fantatro fa olon-kandalo aho. 5 Indro efa nataonao vodivoam-pelatanana ny androko, ary ny fiainako toy ny tsinontsinona eo anatrehanao. Zava-poana ihany tokoa ny olon-drehetra, na dia matanjaka aza. 6 Aloka tokoa no fandehandehan' ny olona; zava-poana tokoa no itabatabàny; mihary harena izy nefa tsy fantany izay ho tompon' izany. 7 Ary ankehitriny, inona no andrasako Tompo ô ? Hianao no antenaiko.

(Psaume 39.5-8)

- Hira : 470 and 1, 4, 5 (*“Ny foko ry Mpamonjy”*)

- Vavaka fihaonana

Misaotra Anao izahay, mitaona anay hiaina ny alakamisy masina. Koa ampangino ny tabataba rehetra aty anatinay. Araka ny hira nohirainay teo, mangetaheta Anao ny fonay, maniry lalandava hikambana aminao. Ento izahay amin'ny alalan'izao fanompoam-pivavahana izao hiara-dalana Aminao, ahitanay ny halalin'ny fitiavanao anay sy izao tontolo izao. Amen.

Mipetraka

SITRAPON'ANDRIAMANITRA

(Isaia 55 : 1-3, 6-7).

He! hianareo rehetra izay mangetaheta, mankanesa amin' ny rano! Ary hianareo izay tsy manam-bola, avia, mividia, ka homàna! Eny, avia, mividia divay sy ronono, nefa tsy amim-bola, na amin-karena. 2 Nahoana hianareo no mandany vola amin' izay tsy hanina, ary ny vokatry ny fisanaranareo amin' izay tsy mahavoky? Mihainoa dia mihainoa Ahy, ka hano izay tsara, dia aoka hiravoravo amin' ny matavy ny fanahinareo (...) 6 Mitadiava an' i Jehovah, dieny mbola hita Izy, Miantsoa Azy, dieny mbola akaiky Izy. 7 Aoka ny ratsy fanahy hahafony ny làlany, Ary ny tsy marina hahafony ny heviny; Ary aoka hiverina ho amin' i Jehovah ireny, Fa hamindra fo aminy Izy, Eny, ho amin' Andriamanitsika, Fa hamela heloka dia hamela heloka tokoa Izy.

FIAIKEN-KELOKA

Mpitarika : (Vavaka): Andriamanitra ô, misaotra Anao izahay, miantso anay ho amin'izay tena mahafa-ketaheta, miantso anay ho an'izay tena mahavoky, ary izany tsy amin'ny vola na amin-karena, fa omenao maimaimpoana ao amin'ny Zanaka. Akaiky lanao, nefa mitady lavitra izahay, ary izany tsy manala anay amin'ny faharatsianay sady mamatotra anay amin'ny hevitrany. Misaotra Anao miantso anay hiverina Aminao, fa Andriamanitra mamindra fo lanao ary mamela ny helok'izay mahafofy ny lalany sy ny heviny tokoa. Koa indreto izahay manatona Anao ka miteny Aminao miaraka manao hoe:

Fiangonana : « RY RAINAY BE FAMINDRAM-PO Ô, MITALAO AMINAO IZAHAY ; MAMELÀ NY HELOKAY ;
DIOVY IZAHAY HO AFA-PAHOTANA ; SASAO IZAHAY HO AFA-KELOKA ; ARY HAVAOZY NY FANAHINAY MBA HO VONON-KANOMPO ANAO. NY FITIAVAN' I JESOSY KRISTY ZANAKAO MPAMONJY ANAY NO ANGATAHANAY AMINAO. AMENA. »

- Hira : *Ry Andriamanitra Tompo Ray any an-danitra ô, mamindrà fo aminay !
Ry Jesosy Tompo Mpamonjy izao tontolo oizao, mamindrà fo aminay !
Ry Fanahy Masina Tomponay Mpampionona ô, mamindrà fo aminay !*

TENY FAMELAN-KELOKA SY FIAVANANA

Mitsangana

Mpitarika : (Isaia 44.22; Lioka 19.10).

Hoy ny Tompo aminao :

Izaho efa nandevona ny fahadisoanao tahaka ny fandevona ny zavona, ary ny fahotanao tahaka ny rahona; Koa miverena amiko, fa efa nanavotra anao Aho. Fa efa tonga ny Zanaka olona hitady sy hamonjy ny very. Voavela ny helokareo noho ny Anarany masina

Fiangonana: **AMEN**

FANKALAZANA

Mpitarika : VONINAHITRA ANY AMIN'NY AVO INDRINDRA HO AN'ANDRIAMANITRA
Fiangonana : **ARY FIADANANA HO ETY AMBONIN'NY TANY AMIN'NY OLONA ANKASITRAHANY.**

- Hira : 122 and. 2, 4 ("*He! Ny indrafo niriko*")
Mipetraka

FAMAKIANA NY TENIN'ANDRIAMANITRA

- Hira : 205, and. 1, 3 ("*Ny teninao rehetra*")

Mpitarika : HO AMINAREO ANIE NY TOMPO
Fiangonana : **ARY HO AMIN'NY FANAHINAO**

VAVAKA MIALOHA NY TENY (BAKOLY RAKOTOMALALA – FPMA NICE)

Mitsangana

- FILAZANTSARA : Matio 26, 36-75

Fiangonana : **ISAORANA ANIE NY TOMPO NOHO NY FILAZANTSARA !**

FANEKEM-PINOANA

- Hira : 636, and.1, 2, 3 ("*Ianao ry Jeso ô!*")
Mipetraka

TORITENY

- Hira : 623, and. 3 sy 4 ("*Atolory ahy*")

- Filazan-draharaha : **Rado RAMAROTAFIKA, Roland RATIARISON**

FANDRAISANA NY FANASAN'NY TOMPO

- Hira : 261, and. 3, 5 ("*Eto no anoloranao anay*")
Mitsangana

Mpitarika : HO AMINAREO ANIE NY TOMPO ! AOKA HIZARA NY FIADANANA ISIKA
Fiangonana : - **HO AMINAO ANIE NY TOMPO !**
- **ARY HO AMINAO KOA**

- Préface (Mitsangana)

Mpitarika : ENY TOKOA TOMPO Ô, RAY MASINA, ANDRIAMANITRA MANDRAKIZAY, MAHEFA NY ZAVATRA REHETRA, METY SY MAHAVONJY NY ISAORANAY ANAO AMIN'NY FOTOANA REHETRA SY AMIN'NY TOERANA REHETRA AMIN'NY ALALAN' JESOA KRISTY TOMPONAY, IZAY TIA ANAY SY NANOLO-TENA HAMONJY ANAY ; AMIN'NY ALALANY KOA NO IDERAN'NY ANJELY NY FIANDRIANANAO SY ITSACHAN'NY FANAPAHANA SY NY FAHEFANA REHETRA ANAO AMIN'NY TAHOTRA ARY IARAHAN'NY FIANGONANA ANY AN-DANITRA SY ETY AN-TANY MIDERA NY ANARANAO AMIN'NY FIOBIANA ARY IZAHAY KOA ANKEHITRINY MIARA-MANANDRATRA NY FEONAY AMINY, KA AMIN'NY FANAJANA LEHIBE NO IDERANAY HOE :

- Hira : **Antema 1 (Sanctus)**
Masina ! Masina ! Masina Jehovah Tompo ! Feno ny voninahitrao izao rehetra izao ry Tompo ô ! Amena

Mipetraka

Vavaka

Mpitarika : RY KRISTIANA MALALA, AOKA ISIKA HAHATSIARO AN'I JESOA KRISTY IZAY MATY NISOLO ANTSIKA SY NITSANGANA HO FANAMARINANA ANTSIKA, DIA FANATI-PIHAVANANA NATOLOTR'ANDRIAMANITRA ANTSIKA, ARY AOKA ISIKA HIARA-MISAOTRA SY HIVAVAKA :
MISAOTRA ANAO IZAHAY ANDRIAMANITRA RAINAY, TOMPON'NY LANITRA SY NY TANY, FA NOHO NY FAMINDRAM-PONAO AMINAY MPANOTA MAHANTRA, DIA NOMENAO NY ZANAKAO LAHY TOKANA, MBA TSY HO VERY IZAY REHETRA MINO AZY FA HANANA FIANANA MANDRAKIZAY.

- Hira : 176, and. 1, 2 sy 3 ("*Avia, Fanahy Masina ô!*")

TENY FANORENANA SY FANAMASINANA

Mpitarika : JESOA KRISTY TOMPO TAMIN'NY ALINA IZAY NAMADIHANA AZY DIA NANDRAY NY MOFO, ARY REHEFA NISAOTRA IZY DIA NOVAKIANY KA HOY IZY :
« RAISO, HANO, ITY NY TENAKO IZAY OMENA HO ANAREO, IZAO NO ATAOVY HO FAHATSIAROVANA AHY. »
ARY TOY IZANY KOA NY KAPOAKA REHEFA NIHINANA, DIA HOY IZY :
« MISOTROA AMIN'ITY HIANAREO REHETRA, FA ITY NO RAKO DIA NY AMIN'NY FANEKENA VAOVAO IZAY ALATSAKA HO AN'NY REHETRA HO FAMELAN-KELOKA. KOA NA OVIANA NA OVIANA NO MISOTRO HIANAREO, DIA IZAO NO ATAOVY HO FAHATSIAROVANA AHY. »
MISAOTRA NY RAY, IZAY NAMPAMAMENDRIKA ANTSIKA HANANA ANJARA AMIN'NY LOVAN'NY OLONA MASINA EO AMIN'NY MAZAVA. AMENA.

- Hira : 117 (Agnus Dei)

Abidjan, Aix-Marseille, Amiens, Annemasse, Athis-Fanantenana, Avignon, Bordeaux, Caen, Cergy, Clermont-Ferrand, Creil, Dijon, Fihobiana-Paris, Grands-Champs, Grenoble, Lille, Lyon, Melun, Montpellier, Mulhouse, Nancy, Nantes, Nice, Orléans, Paris, Poitiers, Port Royal Arago, Reims, Rennes, Rouen, Saint Denis - Le Port (La Réunion), Saint-Etienne, Strasbourg, Toulouse, Tours, Troyes, Vatofehizoro, Vincennes, Yvelines-Fahazavana.

**1 O, ry Zanak'ondry,
He! Hianao nijaly;
Ory, voahombo,
Anefa tsy namaly;
Ny helokay nalainao,
Ka maty re ny ainao
Mba iantrao izahay, ry Jeso!**

**3 O, ry Zanak'ondry,
He! Hianao nijaly;
Ory, voahombo,
Anefa tsy namaly;
Ny helokay nalainao,
Ka maty re ny ainao
Ampiadanonao zahay re!**

Mpitarika : EFA NANDRAY NY FANAHY MAHA-ZANAK'ANDRIAMANITRA ANTSIKA ISIKA, KOA IZANY NO HAHAFAHANTSIKA MANATONA NY RAY, HOE
Fiangonana : (**Vavaka nampianarin'ny Tompo**)

- Fanasana

Mpitarika : NY MOFO IZAY VAKIANTSIKA DIA FIRAISANA AMIN'NY TENAN'I JESO KRISTY TOMPONTSIKA.
NY KAPOAKY NY FISAORANA IZAY ISAORANTSIKA DIA FIRAISANA AMIN'NY RAN'I JESO KRISTY
TOMPONTSIKA.
HOY NY TOMPO : ANDEHA, EFA VOAVOTRA AVOKOA NY ZAVATRA REHETRA !

Mitsangana

- Fandraisana : 262 and.1 (« *indreto izahay* »)

Hoy ny Tompo:

« RAISO, HANO, ITY NY TENAKO IZAY OMENA HO ANAREO, IZAO NO ATAOVY HO FAHATSIAROVANA AHY. »

« MISOTROA AMIN'ITY HIANAREO REHETRA, FA ITY NO RAKO DIA NY AMIN'NY FANEKENA VAOVAO IZAY ALATSAKA HO AN'NY REHETRA HO FAMELAN-KELOKA... IZAO NO ATAOVY HO FAHATSIAROVANA AHY.

- Teny fampaherezana (*mitsangana*)

Mpitarika : JESO KRISTY TOMPONTSIKA IZAY VOAHOMBO TAMIN'NY HAZOFIJALIANA KA NITSANGANA
TAMIN'NY MATY NO EFA NANOMEA NAREO NY TENANY SY NY RANY IZAY NANAVOTANY ANAREO TAMIN'NY FAHOTANA REHETRA, IZY ANIE HAMPAPHERY
SY HIARO ANAREO AMIN'IZANY AMIN'NY FINOANA MARINA HO FAHASAMBARANA MANDRAKIZAY. HO AMINAREO ANIE NY FIADANANA !

Fiangonana : **AMENA**

- Hira : 266 (« *Ry Jeso Tompo, Hianao* »)

Mipetraka

- Vavaka fisaorana sy fangatahana (Rado RAKOTONIRINA - CJUR)

Mitsangana

- Hira : 92, and.2, 3 (« *Atolotro, ry Jeso* »)

HAFATRA SY TSODRANO

Mpitarika : *HO AMINAREO ANIE NY TOMPO.*

Fiangonana : **ARY HO AMIN'NY FANAHI**NAO.

Mpitarika : **Tsodrano**

**Hitahy anareo anie ny Tompo ka hiaro anao;
Hampampiratra ny tavany aminareo anie ny Tompo ka hiantra anareo
Hanandraatra ny tavany aminareo anie ny Tompo ka hanome anareo fiadanana.**

Fiangonana : **AMENA ! AMENA ! AMENA ! HALELOIA !**

Mpitarika : VONINAHITRA HO AN'ANDRIAMANITRA RAY SY ZANAKA AR Y FANAHY MASINA IZAY
HATRAMIN'NY TALOHA INDRINDRA KA HO MANDRAKIZAY AMENA.

MANDEHANA AMIN'NY FIADANANA, KAMANOMPOA NY TOMPO !

Fiangonana : **ISAORANA ANIE ANDRIAMANITRA !**

- Feon'orga firavana

**Abidjan, Aix-Marseille, Amiens, Annemasse, Athis-Fanantenana, Avignon, Bordeaux, Caen, Cergy, Clermont-Ferrand, Creil, Dijon,
Fihobiana-Paris, Grands-Champs, Grenoble, Lille, Lyon, Melun, Montpellier, Mulhouse, Nancy, Nantes, Nice, Orléans,
Paris, Poitiers, Port Royal Arago, Reims, Rennes, Rouen, Saint Denis - Le Port (La Réunion), Saint-Etienne,
Strasbourg, Toulouse, Tours, Troyes, Vatofehizoro, Vincennes, Yvelines-Fahazavana.**